

JP RADIO TELEVIZIJA TUZLANSKOG KANTONA DOO TUZLA

Na osnovu člana 25. Zakona o Radio televiziji Tuzlanskog kantona ("Službene novine TK", broj: 6/02, 5/04, 11/04, 5/06, 13/09, 8/12 i 14/18), člana 38. i 51. Statuta JP RTV TK d.o.o. Tuzla ("Službene novine TK", broj: 12/17 i 3/20) i Odluke Nadzornog odbora broj: 2492/20 od 28/08/2020. godine, privremeno imenovani Nadzorni odbor raspisuje

JAVNI KONKURS

ZA IZBOR I IMENOVANJE IZVRŠNOG DIREKTORA ZA PROGRAM

BROJ: 2495/20

Objavljuje se javni konkurs za izbor i imenovanje izvršnog direktora kao člana Uprave JP RTV TK d.o.o. Tuzla i to:

IZVRŠNI DIREKTOR ZA PROGRAM

Mandat izvršnog direktora za program je četiri godine s mogućnošću ponovnog izbora.

Sa izabranim kandidatom će se zaključiti ugovor kojim će se regulisati plaća i druga materijalna prava izvršnog direktora za program.

1. Kratak opis pozicije

Organizuje rad, zastupa i predstavlja JP RTV TK, odgovoran je za zakonitost rada JP RTV TK, predlaže osnove poslovne politike, program rada i plan razvoja, te preduzima mjere za njihovo provođenje, stara se i odgovara za zakonitost rada Preduzeća, detaljno prati i informiše direktora o kretanjima u medijskoj djelatnosti na prostorima kantona, entiteta i šire, predlaže aktivnosti i ostvaruje kontakte sa subjektima u cilju razvoja programa i organizacionog menadžmenta, istražuje mogućnost saradnje u pogledu programa sa kompanijama koje se bave medijskom djelatnošću i srodnim djelatnostima, organizira, nadgleda i predlaže Upravi donošenje odluka u pogledu programa i rješenja u programskom sektoru, vrši selekciju prioritetnih mjera koje je potrebno preuzeti u programu RTV TK, ostvaruje kontakte i suradnju sa organizacijama (vladine, nevladine, humanitarne i ekspertne) u cilju izrade studija za pribavljanje sredstva i stručne podrške za razvoj JP RTV TK, obavlja druge poslove koje mu u nadležnost povjeri direktor JP RTV TK

2. Kandidat treba da ispunjava sljedeće uslove:

a) opšti uslovi

- da je državljanin Bosne i Hercegovine i da ima prebivalište u BiH (dokaz: uvjerenje o državljanstvu i dokaz o prebivalištu u BiH),
- da je stariji od 18 godina, ali ne stariji od 65 godina na dan imenovanja (dokaz: rodni list ili kopija lične karte),
- da je zdravstveno sposoban za obavljanje poslova na koje se kandiduje (dokaz: uvjerenje o zdravstvenoj sposobnosti – dostavlja izabrani kandidat),
- da nije otpušten iz državne službe, kao rezultat disciplinske mjere na bilo kojem nivou vlasti u BiH u periodu od 3 godine prije dana objavljivanja upražnjene pozicije (dokaz: uvjerenje nadležnog organa za kandidate koji su bili zaposleni ili su još uvijek zaposleni u organima državne uprave za one koji ne rade niti su radili u organima državne službe - dokaz: izjava kandidata potpisana i ovjerena od strane nadležnog organa),

- da nije osuđivan za krivično djelo ili privredni prijestup koji predstavlja smetnju za imenovanje na upražnjenu poziciju, u roku od 5 godina, računajući od dana izdržane, izvršene ili oprostene kazne (dokaz: ovjerena izjava kandidata i uvjerenje nadležnog suda),
- da mu odlukom Suda nije zabranjeno obavljanje aktivnosti na koju se kandiduje (dokaz: uvjerenje nadležnog suda),
- da se na njega ne odnosi član IX.1. Ustava BiH (dokaz: izjava potpisana od strane kandidata i ovjerena od strane nadležnog organa),
- da nije izabrani zvaničnik, nosilac izvršne funkcije ili savjetnik u smislu Zakona o sukobu interesa u institucijama vlasti u FBiH (dokaz: izjava potpisana od strane kandidata i ovjerena od strane nadležnog organa).

b) posebni uslovi

- da ima visoku stručnu spremu (univerzitetska diploma)
- da ima najmanje pet godina radnog iskustva u struci, od čega najmanje tri godine na rukovodnim poslovima (dokaz: potvrda izdata od strane poslodavca)
- da ima istaknute organizacione sposobnosti
- da nije član izvršnog/upravnog ili drugog organa političke stranke (dokaz: izjava potpisana od strane kandidata i ovjerena od strane nadležnog organa),
- da nema privatni finansijski interes u JP RTV TK (dokaz: izjava potpisana i ovjerena od strane nadležnog organa),
- da nije osnivač Društva koje obavlja istu djelatnost za koju je Društvo upisano u sudski registar (dokaz: izjava potpisana i ovjerena od strane nadležnog organa)
- da nije rukovodio Društvom nad kojim je pokrenut stečajni postupak (dokaz: izjava potpisana i ovjerena od strane nadležnog organa),
- da nije član upravnog ili nadzornog odbora drugog reguliranog organa, a ukoliko jeste član drugog upravnog, odnosno nadzornog odbora, kandidat će dostaviti ovjerenu izjavu da će po konačnom imenovanju odstupiti sa pozicije u roku od sedam dana od dana imenovanja (dokaz: izjava potpisana i ovjerena od strane nadležnog organa),
- da nije dioničar sa 50 % i više dionica, direktor ili član uprave bilo kojeg dioničkog društva kao i vlasnik sa 50 % i više vlasništva, direktor i član uprave bilo kojeg društva sa ograničenom odgovornošću (dokaz: izjava potpisana i ovjerena od strane nadležnog organa),
- da su prošli odgovarajuće usavršavanja u skladu sa Zakonom o privrednim društvima i Uredbom o usavršavanju predsjednika i članova nadzornih odbora i uprava privrednih društava sa učešćem državnog kapitala, odnosno da preuzimaju obavezu da usavršavanje obave u roku utvrđenom Uredbom Vlade Federacije BiH (dokaz: izjava potpisana i ovjerena od strane nadležnog organa)

Kandidati su dužni uz prijavu, koja sadrži kraću biografiju, adresu i kontakt telefon, priložiti originalne dokumente ili ovjerene kopije dokumenata, ne starije od 6 mjeseci, koji su dokaz o ispunjavanju opštih i posebnih uslova traženih konkursom, u roku od 15 dana od dana posljednjeg objavljivanja.

Prijave sa traženim dokumentima dostaviti lično ili preporučenom poštom na adresu:

**JP RTV TK d.o.o. Tuzla, ul. Mije Keroševića broj 20,
75000 Tuzla,
PRIJAVA ZA JAVNI KONKURS
(za izbor i imenovanje izvršnog direktora za program JP RTV TK)
- NE OTVARATI -**

Nepotpune i neblagovremene prijave neće se uzeti u razmatranje.

Svi kandidati koji budu stavljeni na listu užeg izbora bit će pozvani na intervju.

Javni konkurs će se objaviti u "Službenim novinama Federacije BiH" i jednom dnevnom listu i web stranici Vlade Tuzlanskog kantona i ostaje otvoren 15 dana od dana posljednjeg objavljivanja.